



Inatsisartut
/MAANI

Uunga: Randi Vestergaard Evaldsen, Demokratiit.

Biilit innaallagissamik aamma innaallagissamik orsussamillu (matuma kingorna hybridit) ingerlatillit pillugit kiisalu qamutit motoorillit akitsuusersornerannut tunngatillugu § 37 naapertorlugu apeqqtigisap nr. 163-ip 16. juni 2017-imeersup akineqarnera

Allakkap ullulernera: 22-06-2017
Suliap normua: 2017 - 14181
Akt id 5656169

P. O. Box 1037
3900 Nuuk
Oqa. (+299) 34 50 00
Nassitsigasuut (+299) 34 63 50
E-mail: oed@nanoq.gl
www.naalakkersuisut.gl

Asasara Randi Vestergaard Evaldsen.

Inatsisartut suleriaasianni § 37, imm. 1 naapertorlugu qamutininu motoorilinnut akitsuusiisarnermut tunngatillugu Naalakkersuisunut apeqquteqarsimavutit. Apeqqtigineqartut uannut akisassanngortinneqarput.

Akissuteqartoqarnissaanut Akileraartarnermut Aqutsisoqarfik paasisutissanik aallerfigineqarsimavoq.

Ulloq manna tikillugu qamutininu motoorilinnut akitsuusiisarnernit allanngortinnissaat pillugit siunnersuutininu Inatsisartunut saqqummiussisoqarsimangilaq. Biilininu akitsuutit allanngortinneqarsinnaanerininu inatsisissatut siunnersuummut missingiut maanna pigineqartoq tamanut tusarniutigalugu maanna nassinneqarsimavoq. Taamaammallu siunnersuutit Inatsisartunut saqqummiunneqarsinnaaneri Naalakkersuisut tamarmiullutik suli isummerfigisimangilaat.

Inatsisissatut siunnersuutit naalakkersuinikkut Naalakkersuisunit isummerfiginissaat sioqqullugu tusarniaaffigineqartut attuumassutillit tamakkerlugit siunnersuutininu isummeqqaarnissaat pisariaqarpoq. Tusarniaaneq naammassineqareerpat tusarniaanermut akissutit takkuttut siunnersuutip siunertaanut sanilliullugit nalilersorneqassapput, tamatumalu kingorna eqqarsaataavoq siunnersuummut missingiutit Naalakkersuisunut saqqummiutinnginnerini kukkunerisiorneqassasut, siunnersuutillu Inatsisartunut saqqummiunneqassappata qanoq isikkoqartillugit saqqummiunneqassanersut isummerfigalugu.

Tamatumalu kingorna inatsisissatut siunnersuutininu suliaqarnissaq Inatsisartut suliassarilissavaat, takuuk Inatsisartut Suleriaasianni aalajangersakkat.

Taamaammallu tusarniaanerup ingerlanneranut tunngatillugu akitsuusersueriaatsimik nutaamik atuilernissaq Naalakkersuisut massakkut aalajangiiffigerusunngilaat. Apeqqummullu tullinnguuttumut akissummi tamanna soorunami takuneqarsinnaasaaq.

1. Biilit sarfatorlut aamma sarfatorlutillu orsussamik ingerlatillit Kalaallit Nunaanni qassiuppat? Akissut kisitsisit atorlugit skemanngorlugu takuteqquneqarpoq immikkoortillugit biilit sarfatorlut aamma biilit sarfatorlutillu orsussatorlut.

Akilerartarnermut Aqutsisoqarfimmiit paasissutissiissutigineqarpoq qamutininut motoorilinnut nalunaarsuiffimmi takussutissat 20. juni 2017-imeersut malillugit biilit katillugit 244-t innaallagissamik ingerlatillit imaluunniit plugin-hybridimik ingerlatillit nalunaarsorneqarsimasut. Tabelimi tullinnguuttumi agguataarnerat takutinneqarput:

<i>Biilit innaallagissamik ingerlatillit</i>	<i>Biilit Plugin-hybrid-imik ingerlatillit</i>	<i>Katillugit</i>
51	193	244

2. Orsussa q atorineqartartoq minnerulerpa biilit sarfatorlutillu innaallagiartortut atorineqalermata?

Biilit innaallagissamik aamma hybridimik ingerlatillit amerliartornerannut sanilliullugu biilit benzinamik dieselimillu ingerlatillit tamarmiusut akornanni sutigut ataqatigiittoqarsinnaanera pillugu misissueqqissaarnernik erseqqissaaffiusunik suliaqartoqarnikuunngilaq. Tamakkua misissoqqissaarneqarniarpata biilit tamarmiusut piffissami tassani ataatsimut amerliartorsimanerisa misissuinissaq ajornartorsiortilersinnaavaa, tamannalu biilinu nalinginnaasunut aamma biilinu innaallagissamik ingerlatilinnut aamma biilinu plug-inhybrid-iusunut atuuppoq.

3. Biilit sarfatorlutu kiisalu sarfatorlutillu orsussatorlutu pillugit Naalakkersuisut nutaamik inatsimmik atortussanngortitsinissartik suliaaraat aamma taamaassimappat immikkoortuni sorlerni?

Biilinu innaallagissamik aamma hybridimik ingerlatilinnut inatsisinik nutaanik saqqummiussisoqarsinnaaneranut Naalakkersuisut suli isummersimangillat.

4. Biilinu sarfatorlutillu orsussatorlutu akitsuutit qanoq annertutigisut Nunatta Karsiata iluanaarutigisinnavaai piginnittut akitsuummik biilit nalinginnaasut akilertagaasa assiganik akiliisassappata?

Motoorinu akitsuutinu tunngatillugu biilit plug-in-iusut amerlanersaat oqimaassutsimikkut oqimaannerpaajusut paasineqarpoq, taakkulu ukiumut motorinu akitsuutinu 17.575 kr.-nik akiliuteqartarput, tassalu biilit plug-in-iusut tamarmiusut ukiumut 3,4 mio. kr.-nit missarpiannik iluanaaruteqarfiusarlutik.

Eqqusuinermut akitsuummut tunngatillugu kisitsisinik eqqoqqissaartunik saqqummiissalluni periarfissaqanngilaq, tassami biilit ataasiakkaarlugit qanoq naleqarnerannut naatsorsuisoqarnissaa pisariaqarmat. Pineqartuni biilit suussutsimikkut assigiinngitsut pineqarput, taamaammallu tullinnguuttuni iluanaarutissatut taaneqartut eqqusuinermi akitsuutitigut iluanaarutissatut annaasassanut missinguinertut isigineqassapput.

Akilerartarnermut Aqutsisoqarfiup naatsorsuineratigut ilimagineqarpoq akitsuutit peernerisigut biilinu ataatsimut 125.000 kr.-nit annaaneqartassasut, taamaammallu eqqusuinermut akitsuut aqqutigalugu iluanaarutissanit annaasassat 24 mio. kr.-nit missaannut naatsorsorneqarsinnaallutik.

Akilerartarnermut Aqutsisoqarfimmiit taaneqarpoq iluanaarutissanit annaaneqartut siuliani naatsorsorneqartut nunatta karsiata annaasassaraluanit annertunerujussuussagaluartut biilit pluginimik ingerlatillit eqqusuinermut motorinullu akitsuuserneqarsimangitsuupata. Taamaammallu isiginngitsuusaarneqarsinnaanngilaq biilit siuliani taaneqartut amerlanerpaartaat akitsuuseeriaatsit nalinginnaasumik atorineqartut atorlugit

eqqussuunneqarsimasuuppata, tassanimi tuniniaanermi akigitinneqartoq biilinit nalinginnaasuniit qaffasinnerujussuussagaluarmat.

5. Nunakut angallatinut motorilinnut akitsuusersueriaatsip atuuttup allangortinnissaa Naalackersuisut sulissutiginiarnerlugu tassunga ilanngullugit akitsuutit biilinit sarfatorlutunut aamma /imaluunniit biilinit sarfatorlutillu orsussatorlutunut?

Naalackersuisut biilinit innaallagissamik ingerlatilinnut aamma/imaluunniit hybridinut akitsuusiisoqartarnissaq pillugu suli isumminngillat. Tamannali tusarniaanermut akissutit massakut tusarniaanermi takkukkumaartussat tunngavigalugit isummerfigineqarsinnaassaaq.

6. Naalackersuisut uppersarsinnaanerlugu inatsisip amingarnera pissutaalluni imaammatt imaluunniit imaassimammatt, biilit angeqqatigiit, ukiunili assigiinnngitsuneersut, assigiinnngitsunik akitsuutinik akiliisarsimammata, taamaassimappallu iluarsiniartoqalersimanerluni biiliutillit, akilivallaarsimasut utertitsinissartik naatsorsuutigisinnaanngorlugu?

Akilerartarnermut Aqutisisoqarfik pissutsinik taamaattunik ilisimasaqanngilaq.

7. Nunami angallatinut motorilinnut akitsuutit nutaat pillugit siunnersuut Naalackersuisut nassiuussuteqqammerpaat tusarniaassutigalugu. Tassunga atatillugu imaattunik apequtissaqarpunga:

- a. Suna pissutaava kissaatigineqarmat biilinit angisuunut akitsuutip qaffangaatsiarnissaa soorlu Toyota RAV 4-nut?

Naalackersuisut naalackersuisooqatigiinnissamik isumaqatigiisummi aalajangersarpaat biilinit avatangiisinik innarliinaveersaartunik atuineq, soorlu biilit innaallagissamik ingerlatillit aamma hybridit, akileraarusiinerit akitsuusiinerillu aqqutigalugit siuarsarneqassasoq.

Inatsissatut siunnersuutinut missingiutini soorunami biilit avatangiisinik innarliinaveersaartut atorineqarnissaat siunertarineqarpoq. Taamatut siunertaqarnermi biilit ikummatissanik akuerineqannginnerusunik atuisut, pingaartumillu biilit dieselimik ingerlatillit motorinut akitsuutinut akiliisarnarunissaat anguniarneqarneruvoq.

Biilillu angisuut tassaanerupput dieselimik ingerlatillit. Motorit dieselimik ingerlatillit akornutaannut ilaavoq biilit taakku NOx-gassinik taaneqartartunik aniatitsisuummata. Taamaammallu NOx-gassit peqqissutsimut ajoqutaasinnaanerat eqqarsaatigissagaanni biilit dieselimik ingerlatillit qaffasinnerusumik akitsuusiiffiginissaat anguniakkanut siuliani taaneqartunut naapertuuppoq.

Matumunngalu akissummi aallarniutigineqartoq aamma innersuussutigineqarpoq.

- b. Misissuinerit suut tunngaviuppat Naalackersuisut oqarmata biilit sarfatorlutut aamma biilit sarfatorlutillu benzinartortut ataatsimut isigalugu avatangiisinut mingutsitsinnginnerusut benzinartortunut biilinit naleqqiullugit? Tassunga atatillugu Naalackersuisut qinnuigissavakka isiginiaqqullugu bilerpasuit sarfatorlutut aamma sarfatorlutillu orsussartortut biilinit benzinartortunut naleqqiullugit oqimaannerujussuusarmata taamaattumillu aqqusinernik nungullarsaanagerusartussaallutik peqataanillu nukiiit annertunerusut atorineqartartussaallutik nuunneqassatillugit. Avatangiisinut naatsorsuutit ataatsimoortut qanoq ilillutimmita pitsaanagerusinnaasimappat?

Biilinit nalinginnaasunut assersuussilluni biilinit innaallagissamik ingerlatilinnut akitsuusiisannginnissaq pillugu missingiummi siunnersuummut tunngatillugu inatsisissatut siunnersuutit marluusut Inatsisartut biilinit taamaattunut akitsuusiisoqannginnissaanik akuersissutigisaat aallaavigineqarpoq.

Plug-in-hybridi atorneqarnissamisut atorneqaruni, tassa motooria ikummatissartortoq aatsaat ajornartoormi, imaluunniit isorartuumut ingerlaarnermi atorneqartarluni, taava plug-in-hybridi biili-nut nalinginnaasunut taartaasinnaalluarpoq CO2-mik atuinikinnerusoq.

Soorunami biilinit benzinaamik dieselimillu ingerlatilinnut tamanna atorneqarsinnaanngilaq.

Plug-in-hybridit namminneq oqimaassusertik pissutigalugu aqqusinernik nungullartisisinnaanerupput, tamannalumi biilinit taamaattunut immikkut akitsuusiisoqarnissaanut pissutaasimavoq.

Eqqorpoq biilit innaallagissamik ingerlatillit imaluunniit plug-in-hybridit biilinit nalinginnaasunit oqimaannerummata, biililli taakku ikummatissanik nunap iluaneersunik atuinikinnerusussaapput, nunatsinnilu piffinni amerlaqisuni erngup nukinga atorlugu iluaquserneqarsinnaassallutik.

- c. Naalakkersuisut pilersaaruteqarnerlutik akitsuutinik allanik qaffaanissaminnut (soorlu inuussutissat, imigassat, tubat, sukku assigisaallu eqqarsaatigalugit) akissaqartikkumallugu biilit sarfatortut akitsuuteqarunnaarsinnissaat aamma biilit sarfatorlutillu orsussatortut akitsuutaat appaseqisoq.

Inatsisissatut siunnersuut tamarmiulluni massakku iluanaarutissanut sunniuteqartussaannngitsutut ilimagineqarpoq, tamannalu pissutigalugu siunnersuummut taamatut isikkulimmut sanilliullugu akitsuutinik allanik allannortitsinissaq isummorsorfigineqarsimanani. Naalakkersuisut kingusinnerusukku inatsisissanik iluanaarutissanut sunniuteqartussaannngitsunik saqqummiinarlutik aalajangiissappata taamaattup qanoq aningaasalersorneqarsinnaanissaa Naalakkersuisut isummerfigiumaarpata.

Inussiarnersumik inuulluaqqusillunga

lMed venlig hilsen

Aqqaluaq B. Egede